

յարէ յիշատակարանն , այժմ՝ աղաչեմք և խնդրեմք՝ ի բարեպաշտութենէ և յԱստուածասիրութենէ ձերմէ , յիշեցէք զսէրն զոր ունէիք՝ ի ժամանակս առաջին թագաւորաց առ ազգն Ֆրանկաց , և ձեռն տուք մեզ քրիստոնէարար՝ գրել թուղթ ընծայութեան առ առաջնորդս ձեր յերուսաղէմ , ժողովել անդ զտառապետը կրօնաւորս և ցուցանել նոցա տեղի բնակութեան , զի կատարեսցեն զպաշտօնն Աստուածային : Իսկ երեւելիք ազգին հաւանեալ ընդ բանս , խոստացան կատարել զխնդիրս նոցա : Ապա միաբանեալ քահանայք և տանուտեարք հանդերձ ամենայն ժողովրդովք , գրեցին թուղթ յերուսաղէմ առ Պատրիարքն և առ ամենայն դասս կրօնաւորաց , պատուիրելով նոցա տալ տեղի ինչ յարմարագոյն՝ ի բնակութիւն Լատին կրօնաւորաց , թէ՛ ՚ի ներքս ՚ի քաղաքին և թէ՛ արտաքոյ նորին , ուր և պատշաճ համարեսցին : Չայս թուղթ առեալ Լատին կրօնաւորաց , և բերեալ մատուցին առ Անդրիաս Պատրիարք :

Եւ նորա ընթերցեալ զայն առաջի միաբանաց , անկան ՚ի տարակուսանս , կասկածելով թէ՛ մի գուցէ ՚ի բարեսրտութենէ աստի յառաջ եկեսցէ վնասակար չարիք , որոյ վասն գործն յապաղեցաւ և ձգեցաւ իրրեւ ամիսս 10 . և զինի բազմադիմի խորհրդոց հուսկ ուրեմն միաբանեցան ՚ի մի կարծիս . և ետուն զվսնս Հրեշտակապետաց ՚ի բնակութիւն Լատին կրօնաւորաց , այսպիսի եղանակաւ . 2 խորան յեկեղեցին . 2 ջրհոր յետուստ նորին , եւ զերկուս բաժինս վանաց ՚ի բնակութիւն , ՚ի խանէն մինչ ՚ի պարտէզն և անտի մինչ ՚ի ծառն նունենեաց , առանց վարձու և առանց որ և իցէ պատճառի . բնակիլ անդ իրրեւ հիւր ժամանակս ինչ և ակն ունել այցելութեան Տեառն . կեալ ընդ կրօնաւորս Հայոց սիրով և խաղաղութեամբ . լինել բարեկամին բարեկամ՝ և թշնամոյն թշնամի , ցաւակից և ուրախակից յամենայնի . հասանել ՚ի թիկունս ՚ի վտանգի նեղութեան , որպէս նոքա հասին , և խոտտանան հատանել , եւ զոր ինչ կամին առնել զխտութեամբ և հաճութեամբ նոցին արասցեն , որպէս սիրելի եղբարք : Մինչեւ ցաստ էր յիշատակարանն :

Գրէ նաեւ վասն այսր Հաննա վարդապետ . թէ մինչեւ տաին Լատինք հրաման թագաւորական բնակիլ ՚ի վսնս վրաց :